



# ARUBA

NOTICIERO OFICIAL DI GOBIERNO INSULAR

AÑA 4 No.2

NOVEMBER 1980

ARUBIANA PRINTS N.V.

## ELECCION INDIRECTO TA PROMER PASO DEN PROCESO DI INDEPENDENCIA PA ARUBA

Considerando cu ultimamente tin hopi discusionnan entre e partidonan politico di Aruba encuanto e asunto di eleccion indirecto pa Staten, manera ta e deseo di e representacion mayoritario di Aruba den e Comision di Reino, Servicio Informativo siguiementemente lo duna un explicacion di e sistema aki segun un proposicion di Mr. C. Borman di e departamento di asuntunan consti-


tucional di Hulanda.

Den e nota cu Sr. Borman a presenta na e miembronan di comision di reino, e ta duna un relato extenso ariba e topico aki. Pues, e splicacion cu ta sigui ta basa ariba e nota en cuestion.

Den su composicion, Sr. Borman ta bisa cu eleccionnan indirecto ta encera cu e habitantenan cu derecho di

vota den un pais no ta eligi pa nan mes e miembronan di e cuerpo di representacion di pueblo (Staten), pero cu nan ta apunta intermediarionan (den caso di Aruba, miembronan di Eilandsraad), kendenan ariba nan turno ta apunta e miembronan di e cuerpo di representacion di pueblo.

Pero e ta sigui bisa cu pa un sistema di eleccion indirecto tin mas valor cu



*Na nan yegada for di Hulanda ariba 5 di September ultimo na unda nan a asisti na e ultimo reunion di Comision di Reino, Sres. Betico Croes, presidente di e delegacion Arubano, y Nel Oduber, miembro, a ser ricibi pa un grupo di ciudadanonan cu bandera na aeropuerto.*

meramente un sistema directo complica, ante e ora ey cada intermediario (miembro di Eilandsraad) mester tin e libertad legal di dicide pa su mes ariba cual partido y ariba cual candidato e ta desca di vota. Na Hulanda e sistema aki ta valido tambe pa eleccion di e miembronan di Eerste Kamer kendenan ta worde eligi door di miembronan di e statenman di e provincianan. Segun Sr. Borman, por sali for di e punto di vista aki tambe pa un sistema di eleccion indirecto pa Staten. Por lo demas, e libertad aki lo ta mas bien teoretico y no uno verdadero, pasobra en realidad e miembronan di Eilandsraad lo vota, manera e pueblo votador ta spera di nan, ariba e partido cu nan ta pertenece.

E introduccion di un sistema di eleccion indirecto no mester conduci na un situacion na unda Staten lo bai refleja den menos grado e opinionnan politico di e votadonan cu ta e caso actualmente. Pa e motibo aki e sistema di representacion proporcional mester worde manteni. Tambe pa e reparticion di restzettel e sistema den vigor actualmente mester worde manteni.

Segun articulo 46 di Statuut cada Hulandes ta eligible. Pa e motibo aki no por worde prescribi cu e miembronan di Staten mester worde escogi for di e miembronan di Eilandsraad. Pero si ta imaginable cu e partidonan en realidad lo limita nan postulacion di candidatonan na miembronan di Eilandsraad. Pues, e miembronan di Eilandsraad tin e libertad di por determina pa nan mes cu e postulacion di candidatonan ta sinta cerca e miembronan di Eilandsraad mes.

Na Hulanda cada miembro di e staten di e provincianan tin e derecho di entrega un lista di candidato. Aki na Aruba en realidad e postulacion di candidatonan lo ta den man di e partidonan mes. Si e postulacion di candidato lo sinta formalmente cerca e miembronan di Eilandsraad, ante e ora esaki mester tuma lugar despues cu e Eilandsraad nobo keda eligi y e miembronan nobo keda acepta como tal. Den otro caso, un partido nobo cu ta tuma parti na eleccion di Eilandsraad lo no haya e oportunidad pa entrega un lista di candidato.

Pa introduccion di un sistema di eleccion indirecto lo ta necesario pa haci cierto cambianon y suplementonan na e Staatsregeling, por ejemplo, articulo 44 y 45. E Eilandenregeling (E.R.



*Diputado di Enseñansa, Srta. Grace Bareño, ariba e cenario na Cas di Cultura, pronunciando un elocuente discurso na ocasion di celebracion di 30 años di Pres. John F. Kennedyschool na luna di September ultimo.*

NA) mes no mester worde cambia. Na e Reglamento di Votacion pa Staten y Eilandsraad lo mester bin acerca varios stipulacionnan cu lo mester elabora ariba e transcurso di eleccion indirecto.

Pa duna ilustracion con un eleccion indirecto ta tuma lugar y con e resultadonan ta worde calcula, ta ser presenta siguietemente un calculacion basa ariba e resultadonan oficial di eleccionnan pa Eilandsraad y Staten cu a tuma lugar na año 1979.

#### CALCULACIONAN DI E RESULTADONAN DI ELECCIONAN INDIRECTO PA STATEN NA ARUBA

Pa tur e calculacionnan aki bow e siguiente ta valido:

- E eleccion ta tuma lugar door di miembronan di Eilandsraad na unda ta worde suponi cu cada miembro di Eilandsraad ta vota ariba su propio partido ora di vota pa Staten.
- E calculacionnan ta basa ariba e resultadonan oficial di e eleccionnan pa Eilandsraad y Staten teni na Aruba na 1979.
- E cantidad di asientonan di Staten cu mester worde reparti ta 8; e kiesdeler ta 12 1/2 por ciento di e total di votonan valido.

#### A. CALCULACIONAN BASA Ariba RESULTADONAN DI ELECCION DI EILANDSRAAD PA 1979.


##### CALCULACION A1

Cada voto tin e mesun peso.

- Reparticion di restzettel segun e stipulacionnan na vigor di e Reglamentacion di Votacion pa e promedionan mas grandi; e lista mester por a alcanza por lo menos e kiesdeler.
- Total di votonan vota: 21 (miembronan di Eilandsraad a vota):

Kiesdeler ta: 21: 8 (asientonan pa Staten - 2 5/8)

Mira pag. 4 pa calculacion A1



*Na Augustus ultimo tabata na Aruba e periodista Belga Roger de Backer di e revista "The Courier" cual ta un publicacion di e comision di e comunidad Europeo. E periodista a entrevista, entre otro, gobernador Frans Figaroa y otro miembronan di Bestuurscollege, pa un reportahe ariba e islanan di Antillas cu lo sali pronto den e revista aki.*

Promer restzeta: M.E.P.  
 Segundo restzeta: lot entre A.V.P  
 y M.E.P. pasobra e promedio mas  
 grandi di tur dos ta mes grandi.

#### CALCULACION A2

- Eleccion cu aplicacion di peso di voto.
- Total votonan valido: 32662. Kiesdeler: 4097 5/8 (32662:8).
- Reparticion di restzeta mescos cu calculacion den A1.

#### Mira pag. 4 pa calculacion A2

Promer restzeta: M.E.P.  
 Segundo restzeta: M.E.P.

E aplicacion di e peso di voto tin como consecuencia cu e resultado ta mescos cu den caso cu e eleccion pa eilandsraad lo tabata eleccion directo pa Staten.

#### CALCULACION A3

- Reparticion di restzeta segun e regla di e promedionan mas grandi, pero SIN e limitacion di cu e lista mester a logra obtene por lo menos e kiesdeler.
- E resto di calculacionnan mescos cu den A1.

E cifranan ta igual na e calculacionnan den A1, pero cu e diferencia cu R.U.B.A tambe ta tuma parti na e lot.

#### CALCULACION A4

- Calculacion di restzeta segun e regla di e promedionan mas grandi, pero sin e limitacion di cu e lista mester a obtene por lo menos e kiesdeler.
- E resto di e calculacionnan mescos cu den A2.

E cifranan ta igual na e calculacionnan den A2, pero cu e diferencia cu den e reparticion di restzeta e di dos restzeta ta bai pa R.U.B.A. en vez di pa M.E.P.

#### B. CALCULACION BASA Ariba E RESULTADONAN DI ELECCION PA STATEN TENI NA ARUBA NA AÑA 1979.

Pa haci e calculacionnan aki na promer lugar a usa e resultadonan di e eleccion pa Staten pa haci un reparticion ficticio di asientonan pa Eilandsraad. Esaki ta duna lo siguiente:

A.V.P	5 asiento
P.P.A.	2 asiento
R.U.B.A.	1 asiento
M.E.P.	13 asiento



Recientemente Diputado R. Zandam a inaugura e competencia di volleyball damas, empeñonan di gobierno, na Sporthal, E Instituto di Deporte, Educacion Fisico y Recreacion (I.D.E.F.R.E.) tambe ta organisa otro deportenan pa empleadonan publico, tanto pa damas como caballeros.

E calculacionnan B1-B4 ta corresponden, pa local ta concerni e puntonan di salida, cu e calculacionnan den A1-A4.

Promer restzeta: M.E.P.  
 Segundo restzeta: A.V.P.

#### CALCULACION B2

- Total di votonan valido: 32315: 4038 3/8 (32315:8).

#### Pa calculacion B2 mira pag. 4

E resultado a sali den e caso aki, debi na e indole di e caso, mescos cu e resultado di e verdadero eleccion pa Staten cu a ser teni.

#### CALCULACION B3

E cifranan ta mescos cu calculacion den B1.

#### CALCULACION B4

E cifranan ta mescos cu e calculacion den B2.

E calculacionnan presenta aki riba, pues, ta duna un clarificacion di e varios sistemanan cu por ser usa pa calcula e cantidad di asiento cu cada partido lo haya den Staten den un situacion di eleccionnan indirecto den cual e miembronan di Eilandsraad ta vota pa e ocho miembronan di Staten.

Manera e presidente di e delegacion Arubano den e Comision di Reino, Sr. Betico Croes, a declara na varios ocasion caba, e eleccion indirecto proponi pa aña 1983 pa Staten ta pa principia cu e proceso di independencia pa Aruba. E meta ta pa kibra cu e idea di "nation building" di Antillas Hulandes y pa cuminsa construi e fundeshi pa e nacion di Aruba.

No ta asina cu e representacion mayoritario di Aruba den e comision di reino kier kita e derecho di voto di pueblo pa Staten. Pasobra, manera e sistema di eleccion indirecto ta ser proponi, cada partido den Eilandsraad lo por vota pa su propio candidatonan ariba su lista pa tuma asiento den Staten, segun e resultado di eleccion. Pues, e sistema di representacion proporcional ta keda manteni.

Eleccion indirecto no ta un fin ariba su mes, manera cierto partidonan ta trece dilanti, pero ta nada mas cu un di e promer medianan pa alcansa e

eventual independencia di Aruba. E ta algo temporario te ora cu Staten, cu poco poco ta bai perdiendo su podernan den decentralisacion, lo desaparece com-

pletamente. Ta esaki ta e meta final di e trabownan cu ta ser haci al momento door di e delegacion di Aruba den e comision di reino.

## CALCULACION A1

Partido	Total Votonan	Promer reparticion (x vez kiesdeler)	Restzettel	Reparticion di Asientos
A.V.P.	4	1	0 of 1	1 of 2
P.P.A.	3	1	0	1
R.U.B.A.	2	0	0	0
M.E.P.	12	4	1 of 2	5 of 6
	21	6		8

## CALCULACION A2

Partido	Cantidad miembro-E.R.	Peso di voto pa miembro -E.R.	Cantidad di Votos	Promer reparticion (x vez kiesdeler)	Restzettel	Reparticion di Asientos
A.V.P.	4	1515 3/4	6063	1	0	1
P.P.A.	3	1622 1/3	4867	1	0	1
R.U.B.A.	2	1590 1/2	3181	0	0	0
M.E.P.	12	1545 11/12	18551	4	2	6
	24		32669	6	2	8

## CALCULACION

Partido	Total di Votonan	Promer reparticion (x vez kiesdeler)	Restzettel	Reparticion di Asientos
A.V.P.	5	1	1	2
P.P.A.	2	0	0	0
R.U.B.A.	1	0	0	0
M.E.P.	13	4	2	6
	21	5	3	8

## CALCULACION B2

Partido	Cantidad di miembro	Peso di voto pa miembro -E.R.	Total di Votonan	Promer reparticion (x vez kiesdeler)	Restzettel	Reparticion di asientos
A.V.P.	5	1561 1/5	7806	1	1	2
P.P.A.	2	2024	4048	1	0	1
R.U.B.A.	1	1721	1721	0	0	0
M.E.P.	13	1441 7/13	18740	4	1	5
	21		32315	6	2	8

# PARLAMENTO DI ARUBA TA ACEPTA MOCIONAN PA ELECCION INDIRECTO Y INDEPENDENCIA

Ariba 16 di September ultimo dos mocion relaciona cu eleccion indirecto y mandatonan pa e delegacion di Aruba na e conferencia di mesa redonda, entrega door di e partido mayoritario, M.E.P. a keda acepta den Parlamento di Aruba. Tur partidonan di oposicion a vota contra e dos mocionnan en cuestion.

## PROMER MOCION

Eilandsraad di Aruba den reunion publico yama ariba 16 September 1980: Tumando conocimiento di:

1. E lista di decisionnan di e reunion di Comision di Reino teni na St. Maarten di 9 te cu 12 di April 1980 for di cual e siguiente pasahe a keda cita: E miembronan di Aruba ta duna di conoce nan deseo pa introduci un sistema mixto pa eleccion di Staten na 1983. E otro miembronan di Comision di Reino ta respeta e deseo aki y ta dispuesto pa recomenda al caso un semejante cambio di e legislacion.

2. E elaboracion di e pasahe ariba menciona den e concepto di e rapport final di e Comision di Reino cual ta relata lo siguiente: 2.5.3.9. E miembronan di Aruba di e grupo di trabow di reino a duna di conoce nan deseo pa introduci pa e eleccion di Staten na 1983 un semejante sistema mixto. E otro miembronan di e Comision di Reino ta respeta e deseo aki y ta recomenda pa cambia e legislacion di tal forma cu e sistema mixto aki lo por worde aplica durante e eleccion di Staten na 1983 (5.3.2.)

## CONSIDERANDO:

— Cu na e tratamiento di e concepto di e rapport final durante e reunion plenario di e Comision di Reino di 25 te cu 30 augustus

ultimo, di diferente banda, entre nan 2 miembro representando e minoria den Eilandsraad di Aruba, a bin bek-contra palabracionnan haci anteriormente ariba locual a worde dicidi na St. Maarten relaciona cu introduccion di eleccionnan indirecto ariba Aruba entrante 1983;

— Cu dos otro miembronan di e Comision di Reino representando e mayoria di e eilandsraad di Aruba lo a keda insisti cu esaki ta e punto di bista cu na Aruba a worde acepta.

— Cu e Comision di Reino ta di opinion cu e punto di bista aki, conforme e derecho di autodeterminacion di e pueblonan di cada un di e islanan di Antiyas Hulandes, mester worde respeta;

— E hecho cu solamente e delegacionnan Hulandes y Islaribenjo y tambe e dos miembronan ya menciona, representando e mayoria di e Eilandsraad di Aruba, a honra e punto di bista anteriormente tuma;

## TA DICIDI:

1. Participa na e partinan cu ta forma e Reino Hulandes e deseo di Aruba — den cuadro di e realizacion di e independencia di Aruba — entre otro cu ya pa 1983 laga tuma lugar eleccionnan indirecto ariba e territorio insular aki.

## SEGUNDO MOCION

E Eilandsraad di Aruba a bini hunto ariba 16 September 1980: Tumando conocimiento di:

1. E resultado di e Referendum di 25 di maart 1977;  
2. E accionnan di e pueblo di Aruba na augustus 1977;  
3. E comunicado di prensa di e Gobierno di Reino di 10 di sep-

tember 1977:

4. E Protocol di Willemstad di 20 di april 1978;
5. E Mocion Roethof (accepta door di 2e kamer di Staten Generaal) pa un orden di ley nobo den e reino (Mocion nr. 15932, R1037, nr. 17);
6. E resultado di e reunion di dia 1 november 1978 na Willemstad y e Resolucion di Reino saliendo for di dje fecha 2 di december 1978.

Despues di lesa: E rapport final di e Comision di trabao titula "Formacion nobo di cooperacion".

## CONSIDERANDO:

- Cu e autodeterminacion di cada un di e islanan di Antiyas Hulandes reconocí hopi vez caba den pasado atrobe a worde subraya.
- Cu e delegacion di Aruba durante e reunion di Comision di Reino repetida vez a enfatisa cu loke ta concerni Aruba cualquier forma di cooperacion den e situacion final lo no por ta otro cu di un indole institucional;
- Cu e delegacion Arubano a bai di acuerdo cu un periodo transitorio pa finalmente prepara e independencia di Aruba den un manera planea y gradual.
- Cu pa e aceptacion di e periodo transitorio ya menciona pa parti di Aruba, entre otro, e siguiente condicionnan mester worde cumpli:

- a. E periodo transitorio den todo caso mester desemboca den e independencia di Aruba;
- b. Durante e periodo transitorio e situacion final lo mester worde aserca lo mas tanto posibel.
- c. Decentralizacion mester tuma lugar

- na gran escala y ariba termino corto.
- d. E procedura di decentralizacion mester worde simplifica.
- e. E clausula di no domina den Staten di Antiyas Hulandes encuanto di un cierto cantidad di asuntonan clave mester worde introduci.
- f. E control for di e instancia mas halto mester worde aboli y den su lugar mester bini un corte constitucional, manera tambe un organizacion judicial cu mas tanto mester parece y organizacion manera esaki lo ta den e situacion final.
- g. E introduccion di e sistema pa eleccionnan indirecto pa e eleccion di Staten na 1983:

- Cu si e fase transitorio no transcuri segun e manera combeni, Aruba, haciendo uso di e derecho di autodeterminacion, ariba base bilateral cu Hulanda lo prepara independencia di Aruba y tur e consecuencianan dj'esaki, y di banda di Hulanda tur apoyo lo worde presta pa obtene e reconocimiento institucional.
- Cu ningun di e paisnan of islanan cu ta tuma parti na e conferencia di mesa redonda lo impone contra checuccion di e derecho di autodeterminacion di un di e islanan.

Dado:

E conferencia di mesa redonda venidero,

durante cual desicionnan politico encuantando e asuntonan menciona aki riba lo worde tuma:

Ta dicidi:

Pa presta e siguiente mandato por lo pronto na e delegacion Arubano cu lo tuma parti na conferencia di mesa redonda;

1. Pa haci palabracionnan definitivo entorno e realizacion di e independencia di Aruba.
2. Pa realiza electivamente tur loke a keda combeni y di parti di Aruba tur loke ta ser considera como esencial pa e aceptacion di e periodo transitorio, incluyendo eleccionnan indirecto na 1983.

## Construccion di School Hotelero pa Aruba a inicia: Costo total di proyecto: 8 milyon florin

E desarrollo positivo di e industria di turismo ariba nos isla a trece cu ne cu entrenamiento den e sector aki a bira necesario pa e personal. E industria di turismo a bira un di e pilarnan fuerte di

nos economia. Ta ser calcula cu 15 0/0 di e clase trahador local tin un empleo den e industria aki.

Expertonan di International Labour Organization a haci un investigacion

ariba e mercado laboral di Aruba y a compila un rapport cu tin como objetivo pa ofrece mas entrenamiento na empleadonan den sector hotelero. E investigacion aki a tuma lugar durante añanan 74 y 75.

Desde aña 78 e proyecto pa un school hotelero pa nos isla ta bayendo den un fase hopi avanza.

E school hotelero ta un combinacion di un school y hotel; e hotel lo tin un capacidad pa 50 kamber, mientras cu e school por ofrece entrenamiento na 200 pa 300 estudiante.

E school hotelero di Aruba lo tin tur facilidatnan necesario pa tanto un instituto di enseñanza como pa un hotel turistico.

E diseño di e school tabata na encargo di Associated Architects, mientras cu e parti di construccion ta na encargo di e combinacion di contratista A.L.B.O. Bonaire N.V. y Bonboncemi N.V.

E trabaonan di construccion a ser inicia ariba 3 di maart di e aña aki y e contratista ta spera di entrega e trabao na mei di aña 82.

Financiamento di e proyecto ta bini for di e Fondo di Desarrollo di mercado comun europeo y e gastonan total lo ta alrededor di 8 millon florin.



Un otro proyecto di Gobierno insular bao construccion actualmente ta e edificio pa e school hotelero nobo pa Aruba. Esaki lo costa como 8 milyon florin y su sitio ta na L. G. Smith Blvd. dilanti verffabriek.

# CONSTRUCCION DI BIBLIOTECA NOBO Y MODERNO NA VALOR DI 3.5 MILLON FLORIN A INICIA

## Biblioteca Bieuw.

Un servicio optimal di un biblioteca publico den nos comunidad a bira sumamente necesario. Estadisticanan ta demostra cu ta existi un necesidad cerca e pueblo di Aruba pa obtene lectura informativo y educativo. Sin duda cu e personal actual di e biblioteca publico ta conciente di e necesidad aki, pero e falta di espacio adecuado ta limita e trabao di e personal.

E servicio di biblioteca publico ta situa desde año 55 den un edificio his-

torico restaura den Wilhelminastraat. Apesar cu espacio aki nan a bira chikito pa un biblioteca, e edificio no por a ser expande pasobra un expansion lo afecta e valor historico di e edificio.

Un edificio nobo pa biblioteca publico a bira un necesidad y e trabao nan di construccion ariba un terreno na Mon Plaisir a inicia caba.

E prome biblioteca publico di Aruba a ser inaugura na fin di augustus di año

1949 cu un coleccion di 3000 boeki. Fuera di e coleccion menciona, tabata tin corantnan y revistanan pa e 348 miembronan adulto y 73 hobennan.

E biblioteca gubernamental tabata situa na Oranjestad, pero poco a poco a bira necesario pa habri un filial na San Nicolaas.

E interes pa lectura ta aumentando y e transporte publico tabata laga hopi di desea. E biblioteca central a cuminsa ta desempeña diferente actividadnan manera un coleccion di boeki na prison y na "militaire tehuis". Turistanan por a haya e tolletonan turistico y otro tipo di lectura turistico na e biblioteca.

Mirando e gran labor cu e servicio di biblioteca ta cherciendo y e interes grandi di e publico, gobierno na año 53 a dicide pa aloha e servicio aki den un espacio mas grandi. Un school publico cu a ser construi na año 1880 a ser restaura pa uso di biblioteca.


Cu apertura di e localidad nobo na año 55 mas y mas persona ta bira miembro, y e filial na San Nicolaas tambe mester a muda pa un edificio mas grandi.

For di e tempo ey caba no tabata existi e posibilidad pa expande e biblioteca, ni tampoco pa adapta e servicionan ya cu e edificio ta un monumento historico.

E pueblo di Santa Cruz, especialmente e hubentud ta haya su propio filial di biblioteca na año 65. Den transcurso di añanan e cantidad di miembronan hoben a aumenta, mientras cu e adultonan ta prefera di busca boeki na Oranjestad; e surtido na Santa Cruz ta limita.

Despues cu Aruba a haya su prome bibliobus for di Sticusa na 1968, mas y mas hobennan ta haci uso di e servicio

(cont. ariba pag. 10)



Esaki ta e 4 fachadanan di e edificio nobo pa e biblioteca publico cu actualmente ta bao construccion den Madurostraat na Oranjestad. E proyecto aki ta costa 3.5 miyon florin.

# CUERPO DI BOMBEROS



*Ariba 5 di October ultimo e Cuerpo Siman di Prevencion di Cancela cu e blico na e departamento di Brandweer accionnan di rescate for di e toren di presente.*





# S DI ARUBA DEN ACCION



*di Bomberos di Aruba a inaugura e un impresionante demostracion pa puer na Sabana Berde. Principalmente e ehercicio a hala hopi atencion di esnan*

*E Cuerpo di Bomberos di Aruba a demostra claramente durante e dia di demostracion cu e ta un cuerpo profesional bon prepara y tin na su disposicion un flota extenso di vehiculonan moderno pa combati candela. E cuerpo aki ta alerta 24 ora pa dia pa cualquier siniestro sea na aeropuerto of ariba e isla.*



*E Siman di Prevencion di Candela a sera ariba 11 di October cu un parada grandi di vehiculonan pa paga candela tanto di Brandweer di Aruba como di Lago. E parada a corre ariba henter e Isla pa asina e pueblo por a observa tur e equiponan y vehiculonan pa salba bida y proteha propiedad. E señal di salida a ser duna door di diputado Sr. R. Zaandam.*

aki. E bus ta bishita mas di 12 school basico ariba nos isla.

A ser constata inmediatamente cu e interes pa lectura a aumenta den otro districtonan. Na Santa Cruz, por ejemplo, e cantidad di miembronan hoben a aumenta di 250 pa 420, local ta haci existencia di e filial inutil; e biblioteca pa hobennan a ser incorpora den e bibliobus mientras cu e adultonan ta prefera di busca boeki na O'stad. No a keda otro recurso si no pa sera e filial na Santa Cruz na aña 69.

Sin duda cu e bibliobusman, e di dos bus a yega na 74, a contribui na mehora e bibliotecan escolar, cu tabata den un situacion desplorabel. Pa falta di un catálogo, medianan financiero y expertonan e bibliotecan escolar no por a satisfacé e necesidad pa lectura cerca e hobennan.

Den transcurso di añanan, mas y mas school ta ser funda hunto cu diferente tipo di cursonan nocturno, cu otro palabra ta existi un deseo pa lesa y siña.

Segun expertonan e tarea di un biblioteca publico no ta solamente pa satisfacé e necesidad di lectura cerca su miembronan. Su tarea ta tambe pa stimula e necesidad pa haya informacion, door di pone tur clase di informacion disponibel manera boeki, revista, corantnan y material audiovisual.

Un exigencia ta sin duda cu e medianan di informacion aki mester ta disponibel den sitionan adecuado y agradable pa e miembronan. Ya cu un tarea importante di e biblioteca publico ta pa dirigi su mes ariba e necesidadnan di e pueblo, un cooperacion cu otro instancianan social, cultural y educativo ta necesario.

46 %o di e poblacion Arubano ta consisti di hobenan bao di 19 aña, pues e hubentud ta forma e parti mas grandi di e poblacion y e biblioteca publico mester presta mas atencion na e hobennan. Ta e hobennan aki lo tin cu gobernan un Aruba independiente mañan y ta nan mester ser haci conciente di e proceso di independéncia pa medio di e educacion ricibi na cas y na school. E biblioteca tin e tarea pa guia e hubentud door di ofrece un coleccion di boekinan varia.

Cifranan reciente ta demostra cu e biblioteca hubenil na O'stad tin 2650 miembro, San Nicolaas 2500 miembro, mientras cu e dos bibliobusman tin conjuntamente 3650 miembro hoben. Den curso di añanan e biblioteca publico a amplia su labornan pa medio di cooperacion y ayudo cu centronan di barrio, Fundacion Arubano pa esnan Visualmente Incapacita, servicio filmico, bibliotecan escolar, etc.

#### Biblioteca nobo

Gobierno di territorio insular di Aruba a mira e necesidad pa mehora e servicio di biblioteca publico y a laga expertonan investiga e posibilidad pa construi un edificio completamente nobo cu tur su facilidatnan necesario.

Den cuadro di ayudo tecnico, e hefe di servicio di asuntonan general di biblioteca di Nederlandse Bibliotheek en Lektuur Centrum, W.M. Vintges a bishi-

ta nos isla na mei 76 y a traha un programa di exigencia pa loko ta trata un edificio pa biblioteca. Conhuntamente cu representantenan di Sticusa y funcionarionan di D.E.C.O. y D.O.W. e experto hulandes a haci un evaluacion di e situacion actual di e biblioteca y tambe a traha un rapport cu exigencianan pa un edificio nobo.

E proyecto manera e a ser compila pa señora Vintges lo resulta mucho costoso pa nos isla; funcionarionan di D.E.C.O. a haci cierto recomendacionan cu a ser accepta pa gobierno hulandes.

E proyecto di biblioteca lo ser financia pa 75 %o for di fondo pa proyectonan social y educativo di gobierno hulandes. 25 %o di e gastonan total lo ta pa cuenta di gobierno di territorio insular di Aruba. E destaho publico pa construcion di e edificio cu ta costa alrededor di 3,500,000 florin a tuma lugar na april y e contratista a inicia su trabaoonan caba.



Ariba 1 di Augustus ultimo e promer abonado den e pueblo di Noord a ser conecta ariba e sistema nobo di telefon. Na e ocasion aki diputado Pedro Kelly, den presencia di funcionarionan di Telefoondienst a haci e promer yamada na e abonado concerni, Sr. Carmelo Semeleer.

E edificio nobo lo consisti di sos piso y lo ta situa central den centro di ciudad, vivriendanan y diferente schoolnan manera M.T.S.; L.T.S. ; H.A.V.O./V.W.O.; A.P.A.; rechts-hogeschool, ect. Via Vondellaan e biblioteca nobo ta facil pa alcanza pa e trafico cu ta bini for di e districtonan.

F.A.V.I. lo haya un espacio pa studio di grabacion den e biblioteca nobo. Di es manera aki e fundacion por ofrece un mihor servicio na e personanan visualmente incapacita cu ta haci uso di e revista papia di F.A.V.I.

E sala na unda interesadonan por lesa corantnan y revistanan lo ser expande debidamente.

E coleccion di literatura antillano tambe lo haya un espacio adecuado, igualmente e servicio filmico di territorio insular di Aruba.

E edificio nobo ta ofrece posibilidadnan pa e servicio di biblioteca publico eherce su tarea manera e ta desea.

E edificio actual no solamente ta carece di espacio apropia pa publico, pero tambe pa e propio personal.

Fuera di e construcion di un edificio nobo, e personal den servicio di biblioteca publico ta ser prepara pa medio di cursonan tanto den exterior como aki na Aruba mes. Varios empleado recientemente a haya un on-the-job-training na diferente biblioteca renombra na Hulanda. E entrenamiento aki tabata posibel door di e cooperacion ricibi for di Nederlands Bibliotheek en Lektuur Centrum na Den Haag.

E biblioteca publico di Aruba ta yudando e centronan di barrio pa realisa nan propio biblioteca pa e barrionan.

E administracion di biblioteca escolar di Colegio Arubano tanto na Oranjestad como na San Nicolaas ta na encargo di e personal di e biblioteca publico. E biblioteca na prison tambe lo ser organisa, mientras cu e empleadonan lo bai organisa oranan di lectura pa ancianonan y tambe pa enfermonan.

Recientemente a ser inicia cu un servicio di biblioteca pa muchanan enfermo na Dr. Horacio Oduber Hospital.

Ta e intencion pa continua cu e preparacion di e empleadonan, ya cu

esaki ta indispensable pa e serviccionan cu e biblioteca nobo lo bai ofrece na e comunidad arubano.

Pa e edificio nobo lo atrae perso-

nal diploma for di Hulanda. Nan lo asisti e personal local te ora cu esakinan por tuma e encargo completamente over.



*Un otro linea aerea pa Aruba: Evergreen International Airways. Ariba 12 October ultimo Evergreen a efectua su vuelo inaugural directamente for di Philadelphia treciendo un delegacion grandi den e 180 pasaheronan.*



*Gobernador Frans Figaroa y Vice-president Earl Tawney di Evergreen Airlines conhuntamente a corta e cinta na yegada di e vuelo inaugural di Evergreen for di Philadelphia ariba 12 di October ultimo, marcando e entrada di un otro linea aereo den e desaroyo di e industria turistico di Aruba.*

# Ordenanza di tarifanan pa entregamento di awa

Siguientemente ta ser presenta un traduccion di e suplemento cu ta pertenece na e ordenanza di tarifanan (AB. 1979, no. 23) di W.E.B.

## TARIFANAN PA ENTREGAMENTO DI AWA:

mo permiti pa luna sin pago adicional ta ser aumenta, ora cu e cantidad di yiunan propio bao di 15 aña cu ta biba na cas ta cinco of mas.

Ariba e vastrecht ta ser permiti consumo extra sin pago adicional

di cual e consumidor di awa ta bin cai den un otro clasificacion, e entrega di awa, cuminsando cu e luna despues di esun den cual e cambio a tuma lugar, lo continua ariba e base nobo.

Tarifa B. Empresanan.

TABEL 1	Clasificacion	Valor di Huur (Florin pa Luna)	Tarifa di abono (Florin pa luna)	Consumo permiti sin pago adicional (m3 pa luna)	Tarifa pa consumo adicional (florin pa m3)
	1	30,- y menos	5,65	2,5 m3	3,25
	2	ariba 30,- te cu 75,-	11,-	4 m3	3,25
	3	ariba 75,- te cu 125,-	18,-	6 m3	3,25
	4	ariba 125,- te cu 200,-	25,-	8 m3	3,25
	5	ariba 200,-	32,-	10 m3	3,25

### I. Tarifa A. Consumo domestico (na cas)

a) Como base pa calcula e gasto di awa pa uso na cas ta ser tuma den consideracion e valor di huur di e cas, calcula segun e stipulacionnan di e ordenanza di Gebruiksbelasting (PB. 1908, no. 45).

Ariba base di locual ta menciona aki riba, e gasto di awa y e consumo permiti pa luna sin pago adicional - e asina yama "vastrecht" - ta ser determina den e siguiente forma: (mira tabel 1)

b. Pa clasificacionnan 1 y 2 e consu-

di:  
1 meter cubico cu 5 of 6 yiu den cas.  
2 meter cubico cu 7 of 8 yiu den cas.  
3 meter cubico cu 9 of mas yiu den cas.

c. E cantidad di m3 di awa cu no a ser usa bao di e maximo m3 permisible sin pago adicional, no ta ser desconta den e lunanan siguientes.

d. Na momento di cambio den e cobransa segun valor di huur, door


a. Coneccion y entregamento por ser pidi ariba e siguiente base, cu clasificacion I ta valido solamente pa percelanan cu ta worde usa exclusivamente pa oficinanan of tiendan. (mira tabel 2)

b. Sin permiso previo di e gerencia di W.E.B., e uso pa cada percela no mag di surpasa e cantidad di 5 m3 pa ora.

Tarifa C. Consumo pa varios usonan.  
E calculacion ta socede a base di Tarifa A, aplicando exclusivamentem-  
(cont. ariba pag. 14)

TABEL 2	Clasificacion	Tarifa di Abono (florin pa luna)	Consumo permiti sin pago adicional (m3 pa luna)	Tarifa pa consumo adicional (florin pa m3)
	1	7,50	2 m3	3,50
	2	15,-	4 m3	3,50
	3	30,-	8 m3	3,50
	4	75,-	20 m3	3,50

E luna aki




CONSUMO DI AWA PA LUNA

Ehempel


E luna aki 215,4 m<sup>3</sup> (ton)  
 Luna pasa 201,6 m<sup>3</sup>  
 Consumo 13,8 m<sup>3</sup>  
 Abono 4,0 m<sup>3</sup>  
 Consumo Adicional 9,8 m<sup>3</sup>

Pa 4,0 m di awa ta paga Nafis 11, —  
 Pa consumo adicional Nafis 31,85 (3,25 pa m<sup>3</sup>)  
 Pa hur di meter Nafis 0,75 +  
 Total di e cuenta Nafis 43,60


Luna pasa



E luna aki



Luna pasa



te clasificacionnan 4 of 5.

**Tarifa D. Pago de Candelas Particular.**

Pa posesion di cada kraanchi di awa pa paga candelas particular (privá), un vastrecht di fls. 24,- pa aña ta ser cobra, pa cada instalacion di un sistema di sputit awa Fls. 100,- pa aña.

Pa cada caso di paga candelas e gerencia di W.E.B. ta determina si e awa cu a worde usa ta worde entrega sin cobra of pa un suma cu ta varia entre fls. 20,- y fls. 500,-.

**Tarifa E. Institucionnan y interes general.**

E calculacion ta ser haci ariba base di tarifa B.

**Tarifa F. Servicio Publico.**

Awa cu ta ser entrega pa otro usonan fuera di paga candelas, ta ser calcula na fls. 3.50 pa m<sup>3</sup>.

**Tarifa G. Consumo temporario.**

E calculacion ta ser haci a base di Tarifa B.

**Tarifa H. Navegacion (Bapornan).**

- Awa entrega na bapornan ta ser calcula na e prijs di fls. 3.50 pa m<sup>3</sup>.
- Pa instalacion y kitamento di un meter di awa y tambe pa conecta y desconecta slangnan, un suma di fls. 20,- ta ser cobra pa cada entrega di awa.

**Tarifa I. Usonan especial.**

- Awa pa usonan especial ta ser cobra na prijs di fls. 3.50 pa m<sup>3</sup>.
- Awa destila puro, cu ta ser entrega den cantidadnan chiquito na W.E.B. mes, ta ser cobra na tarifa di fls. 2,- pa 100 liter cu un suma minimo di fls. 2,-.

**Entregamento di awa Gratis**

Awa cu ta ser entrega pa medio di sitionan publico pa bebe awa, ta ser entrega gratuitamente.

**Tarifanan pa Huurmento di Meter**

Pa un meter di 3 m<sup>3</sup>/pa ora (capacidad na perdida di presion di 10 m): fls. 0.75 pa luna.

Pa un meter di 5 m<sup>3</sup>/pa ora (capacidad na perdida di presion di 10m): fls. 1.25 pa ora.

Pa un meter di 7 m<sup>3</sup>/pa ora (capacidad na perdida di presion di 10 m): fls. 1.75 pa luna.


Den otro casonan, na unda meternan cu capacidadnan mas grandi ta ser usa, e huur ta ser calcula a base di 20 % di e prijs di costo pa aña.

**II Clausula pa Combustible.**

1. E clausula pa combustible ta ser aplica, teniendo na cuenta articulo 3 di e ordenanza di tarifa, cada vez entrante Januari y Juli di cada aña, ariba e tarifanan stipula den A te cu I, cu excepcion sinembargo, di e suma di abono (vastrecht).


2. E clausula pa combustible ta stipula: Pa cada fls. 1,- cu e prijs di combustible entrega na W.E.B. ta subi of baha ariba fls. 193,- pa 1000 kg di azeta, e tarifanan di unidad ta ser subi of baha na razon di 0.01 pa m<sup>3</sup> di awa.

Conoci p'ami,  
Secretario di Territorio Insular di Aruba  
A.J. Booi.



*Na yegada di e vuelo inaugural di Evergreen Airlines ariba 12 di October ultimo, for di Philadelphia, e director pa desaroyo Caribense di Evergreen, Sr. Lloyd Tackling, a presenta un obsequio na e diputado pa turismo, Sr. Daniel Leo.*

*Na yegada di e vuelo inaugural di Evergreen Airlines ariba 12 di October ultimo, Sr. Lloyd Tackling di Evergreen ta presenta un obsequio di su compania na diputado Efrede de Kort, kende a forma parti di e delegacion di gobierno insular cu a ricibi e delegacion for di Philadelphia.*




## PLAYA LINDA BEACH RESORT HOTEL TA PROYECTO DI \$20 MIYON PA ARUBA

E proyecto nobo di Playa Linda Beach Resort lo wordo construi na un costo di 20 miyon dollar ariba e pida terreno cu ya pa aproximadamente 25 anja tawata e sitio di Basi Ruti Hotel y cu awor aki ta wordo usa door di Alfredo's restaurant. E unico recuerdo di e actual Basi Ruti cu lo keda ta un plakete indicando cu Princesa Juliana, anteriormente reina di Hulanda, a hospeda den un kamber na e sitio aki tempo cu e hotel a wordo habri pa romer biah.

E accionista mayoritario den e proyecto nobo aki ta Aruba International Beach Club N.V.

E plannan arquitectonico di Playa Linda ta encera un hotel di varios piso cu landscaping profesionalmente diseña, y di un nivel halto di diseño y eficiencia. E complejo lo consisti di 3 edificio, cada uno cu varios tipo di suites y diseño. Den su totalidad e complejo lo tin 150 kamber tipo standard y 34 tipo deluxe.

E construccion cu lo wordo efectua den tres fase, lo encera un periodo di aproximadamente 36 luna. Construccion lo cuminsa na Maart 1981 cu e edificio pazuid lo cual ta Fase I. Fase II, cual ta edificio central lo cuminsa na Januari 1982. Por ultimo, Fase III, cual ta e edificio panort, lo cuminsa na Januari 1983.



*Esaki ta muestra di confianza den e futuro di Aruba: un proyecto particular di 20 miyon dollar pa un hotel di 180 kamber cu lo yama "Playa Linda Beach Resort". Construccion lo cuminsa na Maart 1981 ariba e sitio cu actualmente ta Basi Ruti.*

# Plan Vacacional tabata un exito

Pa prome biaha den historia di nos hubentud cu un intercambio vacacional a tuma lugar entre Aruba y un otro pais.

Esaki a bira un realidad y un exito gracias na cooperacion di gobierno insular di Aruba y consulado di Venezuela y kendenan na nun turno a haya cooperacion di e compania Ferry's del Caribe.

Mas di 400 muchanan Arubano a haya e oportunidad di por a bishita Estado Falcon, Venezuela y di Estado Falcon a bin 400 mucha Aruba.

E plan aki por ser considera como un intercambio cultural, educativo, deportivo y tambe turistico.

Pa hopi famianan ta imposibel pa permiti nan yunan pa haci cualquiere viahe durante nan vakantie, pero cu e idea aki, e gobierno insular di Aruba a duna oportunidad na 400 muchanan no solamente pa a pasa un siman placentero, pero alavez pa sinja algo acerca, cual lo contibui na nan educacion general.

E comision organisador aki na Aruba a reparti 3.600 formulario na schoolnan, na unda tin almunan di edad entre 12 pa 16 anja. E muchanan a yena e formulario na cu nan nomber y otro infor-

macionnan y despues nan mester a debolbe esaki firma door di mayornan. For di e formularionan aki, e comision organisador a escohe e 400 muchanan, kendenan a tuma parti na e plan aki.

E muchanan mester a paga solamente 20 florin y estadia di nan tabata serca famianan Venezolano, mescos tabata e caso cu esnan cu a bin for di Venezuela.

En total bao di e plan vacacional aki a bishita Aruba mas di 1.200 Venezolano, incluyendo ruman y mayornan di e participantenan.

## GOBIERNO INSULAR TA TRAHANDO PA ARUBA Ariba 20 PROYECTO PA MAS DI 106 MIYON FLORIN

Ariba tur tereno gobierno insular di Aruba ta trahando y siguiemiente ta ser publica tur e proyectonan, cualnan ya a worde aproba y ta den e ejecucion di ainda mester worde ejecuta.

E proyectonan aki ta:

- Expansion di e fabrica di awa. Ya caba ta cla 2 unidad di 4000m<sup>3</sup>. Mester worde instala ainda 2 unidad mas di 4000m<sup>3</sup>. Inversioanan total calcula ta di 31 miyon florin.
- Transporte publico (Arubus). Compra di busnan, piezanan y tumamento over di W.E.T. ya caba a tuma lugar. Gobierno di Aruba ya caba a cuminsa traha ariba e siguiente fase, cual ta consisti di e edificio pa garage na Primavera, y e station central pa bus na Oranjestad. Ta ser calcula cu e gasto total lo bai ta di mas o menos 2.90 miyon.
- Na aeropuerto lo worde construi un edificio di carga, cual lo bai tin un inversion calcula na 3,85 miyon florin Antiyano.
- Containerhaven inclusivo construcion di havenkantoor lo bai tin un inversion total di mas o menos 42,9 miyon florin Antiyano. Esaki ta un di e proyectonan di mas grandi cu lo bai worde realiza den e anjanan cu ta bin.
- Mehoracion di distribucion di awa na Oranjestad y vecindario. Aki ta trata di instalacion di pipanan pa awa entre Kibaima y Eagle, cu e proyecto aki tin encera un costo di mas o menos 4,9 miyon florin Antiyano.
- Construcion di tanki di awa mas instalacion di pipa pa mehora presion di awa den e parti norte di Savaneta y vecindario. Tur cu un total di 2,3 miyon florin Antiyano.
- Renovacion Centro di San Nicolas cu construcion di e prome fase di e promenade. Cu esaki e Centro di San Nicolaas lo bira otro atraccion turistico. E cantidad di placa envolvi pa prome fase ta di 1.180.000,- miyon florin Antiyano.
- Otro proyecto di hopi importancia pa nos turismo y cuidu di nos monumentonan ta renovacion di Willem III-toren cu un costo total di 150.000,- florin.
- Gobierno a percura pa haya yudansa financiero pa construi 3 edificio pa consulta na bienestar di Witgele Kruis. Esaki ta hiba cu ne un total di 307.072 florin Antiyano.
- Biblioteca publico pa mehior desarroyo di nos comunidad lo costa 3.774.834 florin Antiyano.
- Otro centro di bario a keda aproba pa worde financia y esaki ta e centro di bario di Brazil, cual lo costa 1.007.305,- miyon florin Antiyano.
- Hotelvakschool, cual lo brinda oportunidad pa nos hendenan prepara nan mes mas mihor ariba tereno hotelero lo costa 7 miyon florin Antiyano.
- Buitendienstgebouw na bienestar di Telefoondienst, cual lo bai costa 3.534.062 miyon florin Antiyano.
- Plan di desarroyo di aeropuerto ta worde studia y esaki ta costa 150 mil florin Antiyano.
- Estudio pa planeamento na bienestar di nos turismo, cual estudio ta costa 162.900 florin Antiyano.
- Ruimtelijke Ordening (ordenacion pa espacio) lo tin un costo total di 198 mil florin Antiyano.
- Construcion di loods di gobierno na Zona Libre, costando 890 mil florin Antiyano.
- Proyecto di siertegel, cual lo costa 600 mil florin Antiyano.
- Marktsurvey pa turismo Europeo y esaki ta costa 50 mil florin Antiyano.
- Gobierno lo laga yena e lama banda di Wilhelmina Park, y ainda e gastonan mester worde calcula.

Cu e proyectonan aki gobierno di Aruba ta demostrando di ta traha na bienestar general di pueblo, creando asina mas empleo na Aruba.